



## Publicaziuns officialas dils 20-08-2010

---

### Damonda da baghegiar

Nr. 73/2010

Datum da publicaziun: 20-08-2010

Patrun: Tgetgel Fidel, Reits 318A, 7173 Surrein

Object: Nova suoschna per maschinas sin parcella nr. 1431 a Surrein, Reits.

Il profils ein tschentai ed il plans da construcziun ein deponi tier la canzlia communal. L'investa publica cuozza 20 dis dapi il datum da publicaziun. Eventualas protestas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 20-08-2010

Cumissiun da baghegiar

### Chor d'affons vischnaunca Sumvitg

Noss'emprema emprova da cant ha liug **venderdis, ils 20 d'uoost 2010** dallas 17.30–19.00 en l'aula dalla casa da scola a Sumvitg. Quell'emprova ei lu gest in fuffergnadi per in e scadin affon naven dalla 3. primara che ha interess da vegnir e cantar tier nus. Cordial beinvegni  
*Chor d'affons vischnaunca Sumvitg*

### Pleiv Sumvitg/Cumpadials

Suenter 25 onns survetsch va nies caluster ils 30 da november 2010 en pensiun. La pleiv da Sumvitg/Cumpadials enquera perquei sin **l'entschatta december 2010** (ni tenor cunvegnientscha) **in caluster ni ina calustra** per la baselgia parochiala a Sumvitg. Il president dalla pleiv dat bugen ad interessents detagliau sclariment (telefon 076 456 90 97).  
*Suprastonza da pleiv Sumvitg/Cumpadials Giusep Bearth, president*  
Mira inserat dils 13-8.

## **Uniun da dunnas Sumvitg/Cumpadials**

### **Nus mein sin viadi**

**Sonda, ils 4 da settember 2010** visitein nus la Glasi (fabrica da glas) a Hergiswil spel Lag dils quater Cantuns. Suenter la viseta ella Glasi gudin nus in bien gentar el restaurant Adler e vein lu aunc peda per visitar las stizuns da glas. Suentermiezdi fagein nus in pign viadi cul bastiment e silsuenter returnein a casa. Gentar, bastiment e pausa da caffè paga mintga commembra sezza. Il viadi surpren l'uniun.

### **Partenza cugl auto postal:**

Cumpadials, Pensiun Degonda: 7.50 uras

Sumvitg, Plaz Lombriser: 8.00 uras

Fagei aschi bien e s'annunziei entochen igl **1. da settember 2010** tier: Marianna Monn, 081 943 19 82, Irma Collenberg, 081 943 26 79. Nus selegrein sin Vossas annunzias. *La suprastonza*

## **Uniun da gimnastica dunnas Rabius (UgdR)**

### **Invitaziun alla radunonza generala**

**Venderdis, ils 27 d'uost 2010** allas 20.00 en l'ustria Surselva, Rabius. Da stedia participaziun selegra *la suprastonza*

## **Societad da tir Vial Sumvitg**

### **Tir obligatori 2010**

La Societad da tir Vial Sumvitg envida al tir obligatori: **Dumengia, ils 29 d'uost 2010 dallas 18.00–20.00 Adatg!** Tiradurs obligai ston presentar il camond da tir sco era il cudisch da sittar, resp. il carnet da prestaziun. Quei tir sa sulettamein vegnir sittaus mo quels dus dis. A tuts in bien siet gia ordavon e sin seveser a Plaun Petschen. *Societad da tir Vial Sumvitg*

## **Uniun sportiva Sumvitg**

Il viadi egl Europapark fagein nus ils **18 da settember 2010**. Tuts commembers e tuttas commembras che han plascher da guder quei di duein s'annunziar entochen ils **3 da settember 2010**. Damondas ed annunzias tier: Erika, 076 376 61 77 ni [erikabearth@sunrise.ch](mailto:erikabearth@sunrise.ch) Salids *Uniun sportiva Sumvitg*